


Broj:01- 02/2-3425/23 SK
Sarajevo, 15.11.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM PARLAMENTA FBiH
n/r gđin. Ivan Miličević, sekretar
n/r gđa. Alma Kratina, zastupnica



VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

PREDMET:: Zastupničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-413/23 od 30.10.2023. godine i akt sekretara Vlade Federacije Bosne i Hercegovine, broj: 03-04-1253-20/23 od 31.10.2023. godine

Poštovani,

U vezi sa zastupničkim pitanjem, koje je postavila gđa. Alma Kratina, zastupnica u Predstavničkom domu Parlamenta Federacije Bosne i Hercegovine, koje se odnosi na Javni poziv za dodjelu sredstava s pozicije tekućeg transfera drugim nivoima vlasti i fondovima – Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize, odnosno propisivanja uslova za energetske siromašna domaćinstva u dijelu da se aplikant odriče prava da ikada aplicira na sredstva za utopljanje stambenih objekata iz Fonda za zaštitu okoliša i na penzionere koji su ostvarili penzije u Federaciji Bosne i Hercegovine ali žive u Republici Srpskoj, dajemo sljedeći odgovor iz okvira nadležnosti Federalnog ministarstva rada i socijalne politike:

Budući da su Akcijskim planom / Mapom puta za Ugovor o paketu energetske podrške za državu i izgradnju otpornosti u okviru Instrumenta za pretpristupnu pomoć (IPA III za 2023. godinu) predviđena dva modela podrške energetske siromašnim kućanstvima (subvencioniranje troškova grijanja i utopljanje stambenih objekata), Delegacija EU je kao donator izričito naglasila da jedno domaćinstvo ne može po oba osnova ostvariti pravo na ovu vrstu pomoći, te je zahtijevala da to bude ugrađeno kako u tekst Javnog poziva, tako i u Prijavni obrazac s ciljem pravovremenog upoznavanja potencijalnih aplikantata o navedenoj činjenici i omogućavanja izbora modela podrške koji određeno domaćinstvo bude smatralo najadekvatnijim za svoje potrebe. Naravno, izjava koja se nalazi u Prijavnom obrascu odnosi se samo na sredstva iz EU paketa energetske pomoći koja su predmet navedenog Akcijskog plana, a ne na druga sredstva koja bi

Fond za zaštitu okoliša eventualno mogao dodjeljivati kroz neke vlastite programe podrške energetske siromašnim domaćinstvima.

Također, prije svega napominjemo da su sredstva koja se dodjeljuju ograničena te da nisu dostatna da zadovolje sve ugrožene kategorije društva. U tom smislu, zajedno sa donatorima i drugim učesnicima u postupku dodjele, birane su kategorije koje svojim psihofizičkim, zdravstvenim, ekonomskim i drugim sposobnostima ne mogu da odgovore na izazove energetske krize. Radi navedenog, unutar ukupne populacije penzionera koja u Federaciji BiH broji cca. 439 hiljada penzionera, morao se iznaći kriterij koji bi osigurao da najugroženiji dio osoba treće životne dobi bude obuhvaćen, ali da se ne ugroze niti ostale ugrožene kategorije.

Idealan kriterij ne postoji, a to se svakako odnosi na dio javnog poziva kojim su isključeni penzioneri koji ostvaruju srazmjerne penzije sa inostranstvom kao i penzioneri koji imaju prebivalište na teritoriji Republike Srpske. Razog za navedeno je činjenica da preko 90% ove kategorije ostvaruje značano veće iznose srazmjernih penzija iz inostranstva u odnosu na penziju iz Federacije BiH. Slučaje gdje je zbir penzija manji su relativno rijetki. Nadalje, sve zemlje okruženja kao u EU imaju određene programe kojim daju pomoć kao odgovor na energetske krize, gdje je apsolutno nemoguće utvrditi da li neko lice prima, te u kojem iznosu prima eventualnu pomoć iz inostranstva. Pri tom u realnom vremenu apsolutno nije bilo moguće pribaviti takve podatke, niti druge države imaju obavezu dostaviti takvu vrstu podataka. Također, unutar ove populacije imamo dio penzionera koji praktično boravi u inostranstvu, ali još uvijek ima CIPS prebivalište u BiH. Posebno napominjemo da je "osnovna jedinica" za dodjelu sredstava prema izričitom zahtjevu donatora "domaćinstvo", a ne pojedinac odnosno kategorija u ovom slučaju penzioner, pa ako se u obzir uzmu gore navedene činjenice (radno pravne status članova domaćinstva, primanja, problem dokazivanja ispunjavanja uslova članova sa inostranim elementom) može se shvatiti radi čega su osobe koje primaju penziju iz inostranstva izuzete od mogućnosti dobijanja subvencije.

Identična je situacija sa povratničkom populacijom koja ima prebivalište na teritoriji Republike Srpske gdje se predmetna pomoć u skladu sa zahtjevima donatora trebala ostvariti prema mjestu prebivališta odnosno mjestu gdje se nalazi domaćinstvo kao osnovna jedinica za dodjelu predmetnih sredstava. Nažalost, nije bilo volje da se dodjela sredstava u Republici Srpskoj koordinira sa dodjelom u Federaciji BiH, što je dovelo do toga da pojedine kategorije, uključujući i kategoriju povratnika u Republiku Srpsku, a koji penziju primaju od Federalnog zavoda za penzijsko i invalidsko osiguranje izostave ili budu izostavljeni od mogućnosti dobijanja predmetnih sredstava.

S poštovanjem,



Dostavljeno:

- naslovu
- a/a